

**AKT THEMELIMI
DHE
STATUTI
I SHOQËRISË ME PËRGJEGJËSI TË KUFIZUAR**

“GLOBAL TECHNICAL SERVICES” SHPK

Sot, më 11/11/2021, themelohet një shoqëri me përgjegjësi të kufizuar, në përputhje me dispozitat e Ligjit nr. 9901, datë 14.04.2008 “Për tregtarët dhe shoqërite tregtare”, i ndryshuar (në vijim, “Ligji për Shoqëritë Tregtare”), nga personat si vijon:

- (i) **Znj. Alessia POLLONIO**, shtetase italiane, lindur më 07.02.1996, në Qytetin e Meksikos, mbajtëse e pasaportës me numër: YA7558860, banuese në Via Vallerea, 23 Pernumia (PD) 35020, Itali;
dhe
- (ii) **Z. Olsi KOVAÇI**, shtetas shqiptar, lindur më 03.04.1996, në Tiranë, mbajtës i pasaportës me numër: BB8097303, banues në Via Vallerea, 23 Pernumia (PD) 35020, Itali;

(Alessia Pollonio dhe Olsi Kovaçi, në vijim së bashku referuar si “Ortakë” dhe vecmas si “Ortak”).

Shoqëria dhe marrëdhëniet midis Ortakëve të saj rregullohen nga legjislacioni shqiptar në fuqi dhe dispozitat e këtij Statuti (në vijim, “Statuti”), i cili shërben gjithashtu si Akt Themelimi i Shoqërisë.

KAPITULLI 1

**THEMELIMI, EMRI, SELIA, OBJEKTI I VEPRIMTARISË, KOHËZGJATJA, DEGËT
DHE ZYRAT E PËRFAQËSIMIT, PËRGJEGJËSITË E ORTAKËVE**

NENI 1

THEMELIMI DHE EMRI



1.1 Me datë 11/11/2021, Ortakët e përmendur më lart themelojnë një shoqëri me përgjegjësi të kufizuar, të emërtuar “Global Technical Services” (në vijim, “Shoqëria”). Shoqëria fiton personalitet juridik pas regjistrimit në Regjistrin Tregtar Shqiptar, të mbajtur nga Qendra Kombëtare e Biznesit.

1.2 Ndryshimi i emrit të shoqërisë kryhet me vendim të Asamblesë së Përgjithshme.

NENI 2

FORMA LIGJORE

2.1 “Global Technical Services” është një shoqëri me përgjegjësi të kufizuar (SHPK).

2.2 Gjatë kohëzgjatjes së saj, emri i Shoqërisë do të shoqërohet nga prapashtesa “SHPK” duke treguar formën e saj ligjore të një shoqërie me përgjegjësi të kufizuar sipas legjislacionit shqiptar në fuqi.

NENI 3

SELIA

3.1 Selia e shoqërisë do të jetë në adresën: *Rruga e Elbasanit, pallati 123, shkalla 1, apartamenti nr.5, Njesia Administrative nr. 2, Tiranë, Shqipëri.*

3.2 Shoqëria mund të ndryshojë selinë e saj me vendim të Asamblesë së Përgjithshme.

NENI 4

OBJEKTI I VEPRIMTARISË

4.1 Objekti i veprimtarisë së Shoqërisë në Shqipëri dhe jashtë saj është si më poshtë:

- shërbimet e konsulencës teknike, si dhe në fushat ekonomike, menaxheriale dhe organizative për Autoritetet Portuale.
- shërbimet e konsulencës teknike, si dhe në fushat ekonomike, menaxheriale dhe organizative për Operatorët Privatë të Terminalit Portual.
- projekte fizibiliteti për portet dhe interportet për lëvizjen e kontejnerëve dhe projektet e fizibilitetit për menaxhimin e porteve dhe lëvizjen e lëndëve të para (me përjashtimin e qartë të asaj që është e rezervuar për profesionet e mbrojtura).
- mbështetje për terminalistët, mbështetje për vinçat e porteve dhe ato mbi rrota.
- përfaqësojë dhe promovojë linja produktesh të kompanive prodhuese të vinçave të portit.
- përfaqësojnë kompani shqiptare dhe të huaja në sektorin e portit.
- përfaqësojë kompanitë e sektorit hekurudhor dhe express, komercializojë komponentët dhe sistemet.
- përfaqësojë kompanitë e huaja në sektorin e lëvizjes së lëndëve të para.

- mirëmbajtje teknike për sistemet e ngritjes (vinça portesh).
- Shitje dhe blerje vinçash dhe pajisjesh ngritëse në sektorin e portit (të reja dhe të përdorura).
- menaxhimi i transportit të mjeteve dhe vinçave portualë.
- ofrimi i shërbimeve, punës për instalimin dhe montimin e sistemeve të ngritjes dhe menaxhimin e sistemeve të transportit për lëndët e para.
- ndërtimi, ristrukturimi, menaxhimi, dhënia me qira, blerja dhe shitja e pronave, si në Shqipëri ashtu edhe jashtë saj, marrja me qira e strukturave të lëvizshme për kantieret.
- transport për llogari të Shoqërisë dhe/ose për pale të treta.

Të gjitha brenda kufijve dhe në përputhje me rregulloret aktuale.

4.2 Për të arritur qëllimin e objektit, Shoqëria mund të kryejë transaksione tregtare, industriale, për sende të luajtshme, të patundshme dhe transaksione financiare të çdo lloji, por jo si objekt kryesor dhe jo në raport me publikun (duke përjashtuar mbledhjen e kursimeve dhe ushtrimin e kredisë dhe në çdo rast ajo që lejohet me ligj vetëm për subjektet me kërkesa të veçanta që nuk posedohen nga shoqëria), përfshirë çështjen e garancive dhe garancive të tjera reale dhe personale si në favor të vetes ashtu edhe të palëve të treta, nëse janë në interes të Shoqërisë.

4.3 Shoqëria mund të ndryshojë objektin e veprimtarisë së saj, në cdo kohë, në përputhje me dispozitat e Ligjit për Shoqëritë Tregtare dhe këtij Statuti. Shoqëria gjithashtu mund të hapë degë të saj jashtë Shqipërisë.

NENI 5

KOHËZGJATJA

5.1 Shoqëria do të kryejë veprimtarinë e saj për një periudhë të pakufizuar kohore, duke filluar nga data e regjistrimit në regjistrin tregtar.

5.2 Shoqëria mund të ndryshojë kohëzgjatjen e veprimtarisë së saj me vendim të Asamblesë së Përgjithshme, në përputhje me rregullat e përcaktuara në këtë Statut.

NENI 6

DEGËT DHE ZYRAT E PËRFAQESIMIT

Shoqëria mund të hapë degë, shoqëri të kontrolluara, zyra përfaqësimi dhe të kryejë veprimtari biznesi në vende të tjera, brenda ose jashtë territorit të Republikës së Shqipërisë, me vendim të Asamblesë së Përgjithshme.

Oliver Kuci

Adrian Kuci

NENI 7

PËRGJEGJËSITË E ORTAKËVE

7.1 Ortakët nuk janë përgjegjës për detyrimet e Shoqërisë, si dhe mbulojnë personalisht humbjet e saj deri në vlerën kontributeve të pashlyera, të tyre, në kapitalin e shoqërise.

7.2 Ortakët do të ushtrojnë detyrat e tyre me kujdesin e duhur dhe ndershmëri në përputhje me dispozitat e legjislacionit në fuqi.

7.3 Ortaku mund të përjashtohet për një arsye të drejtë kur:

- i detyruar të ofrojë punë ose shërbime me anë të kontributit, nuk është më në gjendje të përmbushë detyrimet e marra;
- i nënshtrohet procedurave të falimentimit;
- është në mungesë të përmbushjes së detyrimeve të marra ndaj kompanisë;
- fiton drejtpërdrejt ose tërthorazi aktivitete në konkurrencë me atë të kompanisë.

Përjashtimi duhet të vendoset nga ortakët unanimisht. Ortaku, përjashtimi i të cilit po votohet nuk llogaritet në numër.

Vendimi i përjashtimit duhet t'i njoftohet ortakut të përjashtuar dhe përjashtimi do të hyjë në fuqi pas tridhjetë ditësh nga njoftimi i lartpërmendur. Brenda kësaj periudhe, ortaku i përjashtuar mund të bëjë një kundërshtim para Gjykatës. Nëse kompania përbëhet nga vetëm dy ortakë, përjashtimi i njërit prej tyre shpallet nga gjykata me kërkesë të tjetrit.

Ortaku i përjashtuar ka të drejtën e likuidimit të kuotave të tij; në këtë drejtim, duke përjashtuar mundësinë e rimbursimit të kuotave duke zvogëluar kapitalin aksionar.

Kapitulli II

KAPITALI I SHOQËRISË DHE KUOTAT, ZMADHIMI DHE ZVOGËLIMI I KAPITALIT TË PËRBASHKËT, TRANSFERIMI I KUOTAVE

NENI 8

KAPITALI DHE KUOTAT

8.1 Kapitali i shoqërisë është në para, i barabartë me 500 (pesëqind) Euro. Kapitali i Shoqërisë është i paguar.

8.2 Kapitali i Shoqërisë, i përbërë nga 2 (kuota), është në pronësi dhe është tërësisht i nënshkruar nga ortakët si vijon:

- (i) **Alessia POLLONIO**, shtetase italiane, lindur më 07.02.1996, në Qytetin e Meksikos, mbajtëse e pasaportës me numër: YA7558860, banuese në Via Vallerea, 23 Pernumia (PD) 35020, Itali, zotëruese e një kuote , me vlere nominale 350 (treqind e pesëdhjetë) Euro, që i përkon me 70% (shtatëdhjetë përqind) të kapitalit të shoqërisë, si dhe me 70% (shtatëdhjetë përqind) të të drejtave të votave në Asamblenë e Përgjithshme.
- (ii) **Olsi KOVAÇI**, shtetas shqiptar, lindur më 03.04.1996, në Tiranë, mbajtës i pasaportës me numër: BB8097303, banues në Padova, Itali, zotërues i një kuote , me vlere nominale 150 (njëqind e pesëdhjetë) Euro, që i përkon me 30% (tridhjetë përqind) të kapitalit të shoqërisë, si dhe me 30% (tridhjetë përqind) të të drejtave të votave në Asamblenë e Përgjithshme.

NENI 9

ZMADHIMI I KAPITALIT TË SHOQËRISË

Kapitali i shoqërisë mund të zmadhohet, në cdo kohë, me vendim të Asamblesë së Përgjithshme.

NENI 10

ZVOGËLIMI I KAPITALIT TË SHOQËRISË

Kapitali i shoqërisë mund të zvogëlohet me vendim të Asamblesë së Përgjithshme.

NENI 11

TRANSFERIMI I KUOTAVE TË KAPITALIT TË REGJISTRUAR

11.1 Transferimi i kuotave do të realizohet vetëm nëpërmjet një dokumenti të shkruar, sipas legjislacionit shqiptar në fuqi.

11.2 Nëse kapitali i Shoqërisë zotërohet nga më shumë se 1 (një) Ortak, kufizimet vijuese (sic përcaktohen në pikat 11.3 e vijuese të këtij neni 11) do të zbatohen në lidhje me transferimin e kuotave, me qëllim mbrojtjen e interesave të Shoqërisë, unitetin e Ortakëve dhe qëndrueshmërinë e marrëdhënies së tyre.

11.3 Në rast se një Ortak dëshiron të transferojë kuotën e tij (përfshirë një transferim pa kompesim) te palët e treta, transferimi i nënshtrohet të drejtës së parablerjes të Ortakëve ekzistues të Shoqërisë në lidhje me kuotën (pjesën e kuotës) që synohet të transferohet, në përputhje me sa parashikohet në pikat 11.4 e vijuese më poshtë.

Për shmangjen e cdo dyshimi, transferimi i kuotave tek një palë e tretë në shkelje të të drejtave të parablerjes së Ortakëve të tjerë është i parregullt dhe, për këtë arsye, është i pavlefshëm.

11.4 Ortaku që synon të shesë ose të transferojë pjesën e tij në kapitalin e shoqërisë ose ndonjë pjesë të tij, duhet të njoftojë përmes një shkrese zyrtare ose përmes postës elektronike (“Njoftim i Transferimit”) Ortakët e tjerë. Njoftimi duhet të përfshijë të dhënat personale të transferuesit dhe identifikimin e përfituesit, vlerën e kuotës (ose një pjesë e saj) që synohet të transferohet, kushtet dhe afatet e transferimit, përfshire cmimin (“Cmimi i Përshkruar”) dhe mënyrën e pagesës.

11.5 Njoftimi i Transferimit do të specifikojë një periudhë (“Periudha e Përshkruar”) e cila nuk do të jetë më pak se 60 (gjashtëdhjetë) ditë nga data pasardhëse e lëshimit të Njoftimit për Transferim, periudhë brenda së cilës oferta duhet të pranohet ose refuzohet. Njoftimi për Transferim, pas dërgimit të tij, është i pakthyeshëm.

11.6 Cmimi i Përshkruar do të jetë një cmim që do të përcaktohet nga transferuesi dhe do të konsiderohet se pasqyron një vlerë të drejtë të kuotës.

11.7 Ortaku i njoftuar duhet të ushtroje të drejtën e tij të parablerjes mbi pjesëmarrjen e Ortakut/transferuesit të treguar në njoftim, duke i dërguar Ortakut që ofron dhe administratorit, deklaratën për ushtrimin e së drejtës së tij të parablerjes me një shkresë zyrtare brenda afatit të parashikuar në njoftim.

11.8 Nëse, deri në fund të Periudhës së Përshkruar, nuk është marrë asnjë njoftim pranimi ose jo e gjithë pjesa (ose një pjesë e saj) në Njoftimin e Transferimit nuk është pranuar nga blerësi, transferuesi do të ketë të drejtë të transferojë pjesën e tij të një palë e tretë në një cmim i cili nuk është më i ulët se Cmimi i Përshkruar. Transferuesi do të njoftojë paraprakisht me shkrim identitetin e palës së tretë (“Transferuesi i Synuar”) të cilit ai synon t’ia shesë kuotën (ose një pjesë të saj), Ortakëve të tjerë të shoqërisë.

11.9 Pëlqimi me shkrim i Ortakëve të tjerë, për transferimin e kuotave tek Transferuesi i Synuar, do të konsiderohet një kusht paraprak për të drejtën e Ortakut për të transferuar pjesën e tij (ose një pjesë të saj) të Transferuesi i Synuar.

11.10 Asnjë Ortak nuk lejohet të venodsë si garanci, të lërë peng apo të ngarkojë me barrë tjetër kuoten perkatëse. Anjë Ortak nuk do të japë opion apo të drejta të tjera për të disponuar ndonjë interes mbi kuotat e zotëruara prej tyre (përveç transferimit në përputhjen me dispozitat e këtij neni 11). Asnjë Ortak nuk do të hyjë në ndonjë marrëveshje në lidhje me të drejtat e votës që lind nga posedimi i kuotës perkatëse ose tituj në Shoqëri ose të japë ndonjë opion në lidhje me to.

Albi

Albi

Dispozitat e kësaj pike 11.10 mund të shfuqizohen vetëm në bazë të një vendimi të Asamblesë së Përgjithshme.

11.11 Cdo transferim i kryer në kundërshtim me dispozitat e mësipërme të këtij neni 11 do të konsiderohet i pavlefshëm dhe Ortaku transferues do të jetë përgjegjës ndaj Ortakëve të tjerë dhe Shoqërisë për dëmet e shkaktuara.

11.12 Dispozitat e këtij neni 11 zbatohen gjithashtu për pasardhësit ligjorë dhe/ose testamentarë të Ortakëve (sipas rastit).

KAPITULLI III ORGANET E SHOQERISË

NENI 12

ASAMBLEJA E PËRGJITHSHME

Në përputhje me legjislacionin në fuqi dhe dispozitat e këtij Statuti, Asambleja e Përgjithshme është organi më i lartë vendimmarrës i Shoqërisë. Vendimet e Asambesë së Përgjithshme, kur merren në përputhje me legjislacionin në fuqi dhe këtë statut, janë të detyrueshme për Shoqërinë.

NENI 13

TË DREJTAT DHE DETYRIMET E ASAMBLESE SË PËRGJITHSHME

13.1 Asambleja e Përgjithshme është përgjegjëse për të vendosur në lidhje me çështjet si vijon:

- a) përcaktimin e politikave financiare të Shoqërisë;
- b) ndryshimin e Statutit;
- c) emërimin dhe shkarkimin e administratorit/ve;
- d) emërimin dhe shkarkimin e likuiduesve dhe audituesve ligjorë;
- e) ndarjen e kuotave dhe anulimin e tyre;
- f) zmadhimin ose zvogëlimin e kapitalit të Shoqërisë;
- g) miratimin e pasqyrave financiare, të raporteve të administrimit dhe mbikëqyrjes, përfshirë, por pa u kufizuar, raportet vjetore të ecurisë së Shoqërisë;
- h) miratimin e rregullave procedurale në lidhje me mbledhjet e Asamblesë së Përgjithshme;
- i) miratimin e shpërndarjes së fitimeve vjetore;

Ali Kuci

Ali Kuci

- j) miratimin e skemës së shpërblimit për administratorin/ët, likuiduesit dhe audituesit ligjorë;
- k) ristrukturimin, prishjen, transformimin, bashkimin, ose likuidimin e Shoqërisë ose riorganizimi e saj në një formë tjetër ligjore;
- l) ndryshimin e statusit ligjor dhe/ose formës ligjore apo mbylljen e Shoqërisë;
- m) blerjen e kuotave/aksioneve në shoqëri të tjera ose transferimin e kuotave/aksioneve të Shoqërisë ose të ndonjë pjesmarrjeje që Shoqëria ka në shoqëri të tjera;
- n) themelimin, mbylljen dhe/ose likuidimin e degëve, zyrave të përfaqësimit dhe shoqërive të kontrolluara;
- o) cdo lloj shitje, blerje apo transferim të pronave/aseteve të paluajtshme të Shoqërisë tek palë të treta;
- p) mosshpërndarjen e fitimit sipas nenit 21 të këtij Statuti (Shpërndarja e fitimit);
- q) angazhimin e Shoqërisë në cdo biznes tjetër përveç veprimtarisë tregtare të saj;
- r) fillimin ose zgjidhjen e cdo procesi gjyqësor material jashtë rrjedhës së zakonshme të veprimtarisë tregtare;
- s) cdo çështje tjetër e përcaktuar nga legjislacioni në fuqi dhe/ose këtë Statut.

13.2 Nëse shoqëria zotërohet nga një Ortak, të drejtat dhe detyrimet e asamblesë së përgjithshme ushtrohen nga Ortaku i vetëm. Të gjitha vendimet e marra nga Ortaku i vetëm regjistrohen në një regjistër të vendimeve, të dhenat e të cilit nuk mund të ndryshohen ose të fshihen. Duhet regjistruar në vecanti, por pa u kufizuar në to, vendimet për:

- a) miratimin e pasqyrave financiare vjetore dhe të raporteve të ecurisë së veprimtarisë;
- b) Shpërndarjen e fitimeve vjetore dhe mbulimin e humbjeve;
- c) Investime;
- d) Vendimet për riorganizimin e vendimeve janë absolutisht të pavlefshme.

13.3 Asambleja e Ortakëve do të emërojë një administrator midis tyre dhe mund të vendosë që ky i fundit të kryejë operacione që përfshijnë një modifikim thelbësor të qëllimit të shoqërisë ose një modifikim të rëndësishëm të të drejtave të ortakëve, vendime këto të cilat do të pasqyrohen me shtesa dhe/ose ndryshime në Statut.

NENI 14

Ali Kiri

Ali Kiri

THIRRJA E ASAMBLESË SË PËRGJITHSHME

14.1 Asambleja e Përgjithshme thirret ne rastet e parashikuara nga legjislacioni në fuqi dhe ky Statut, sa herë që mbledhja e saj është e nevojshme për të mbrojtur interesat e Shoqërisë. Asambleja e Përgjithshme thirret të paktën një herë ne vit. Asambleja e Përgjithshme e Ortakëve thirret në përputhje me nenet 83 dhe 84 të Ligjit për Shoqëritë Tregtare dhe këtë Statut.

14.2 Administratorët në diskrecionin e tyre, ose me kërkesë të një dhe/ose më shumë Ortakeve që perfaqësojnë te paktën 5% (pesë përqind) të të gjithë kapitalit të Shoqërisë dhe/ose audituesit ligjorë (nëse ka të tillë) si dhe/ose likuiduesit, kanë të drejtë të thërrasin Asamblenë e Përgjithshme. Një njoftim me shkrim i mbledhjes, duke përmendur qëllimin/et, vendin, datën dhe kohën e mbledhjes, do t'i dorëzohet nëpërmjet postës së regjistruar/e-mailit secilit Ortak jo më vonë se 7 (shtatë) ditë para datës së mbledhjes.

14.3 Njoftimi i mbledhjes dërgohet me postë të regjistruar dhe/ose e-mail.

14.4 Mbledhjet e Asamblesë se Përgjithshme mbahen në ambientet e Shoqërisë ose në ndonjë vend tjetër jashtë tyre, pavarësisht nëse këto vende ndodhen në Shqipëri, ose diku tjetër jashtë Shqipërisë.

14.5 Mbledhjet e Asamblesë së Përgjithshme mund të bëhen gjithashtu përmes video-konferencave dhe/ose formave të tjera, mjeteve, kanaleve, dhe/ose platformave të komunikimit elektronik, dixhital dhe/ose në internet, për sa kohë që identifikimi i secilit Ortak është i mundshëm teknikisht dhe pasqyrohet sic duhet në procesverbalin e mbledhjes.

Në një rast të tillë, detajet specifike se si do të zhvillohet mbledhja do t'u njoftohen Ortakëve përmes një njoftimi zyrtar për mbledhjen.

14.6 Mbledhjet e Asamblesë së Përgjithshme do të zhvillohen në gjuhën Italiane . Cdo Ortak ose përfaqësues i Ortakut do të sigurojë shërbimet e përkthimit për veten e tij, nëse nuk ka aftësitë e nevojshme në gjuhën italiane.

NENI 15

PJESËMARRJA NË MBLEDHJEN E ASAMBLESË SË PËRGJITHSHME

15.1 Cdo ortak ka të drejtë të marrë pjesë në mbledhjet dhe vendimet e Asamblesë së Përgjithshme, duke pasur të drejtë për një numër votash të barabartë me përqindjen e kuotës që zotëron në kapitalin e Shoqërisë.

15.2 Secili Ortak ka të drejtë të përfaqësohet në procesin e vendimarrjes nga një Ortak tjetër, nga bashkëshorti ose nga ndonjë person tjetër fizik, në përputhje me dispozitat e legjislacionit në fuqi, me kusht që përfaqësuesit të autorizohen me prokurë për një qëllim të tillë.

15.3 Administratorët e Shoqërisë mund të marrin pjesë në mbledhjen e Asamblesë së Përgjithshme të Ortakëve, por nuk mund të përfaqësojnë asnjë nga ortakët në ndonjë prej mbledhjeve.

NENI 16

KUORUMI DHE VENDIMARRJA

16.1 Thirrja e Asamblesë së Përgjithshme në cdo rast është e vlefshme nëse Ortaket që zotërojnë më shumë se gjysmen e kapitalit të Shoqërisë marrin pjesë në mbledhjen përkatëse.

16.2 Për vendimet që kërkojnë një shumicë të zakonshme, Asambleja e Përgjithshme merr vendime të vlefshme me shumicën e votave të Ortakëve të pranishëm në mbledhje në përputhje me pikën 16.1 më lart.

16.3 Për vendimet që kërkojnë një shumicë të cilësuar, Asambleja e Përgjithshme merr vendime të vlefshme me $\frac{3}{4}$ (tre të katërtat) e votave të Ortakëve të pranishëm në mbledhje, sipas korumit të treguar në pikën 16.1 më lart. Vendime të tilla përfshijnë edhe gjerat "b", "e", "f", "i", "k", "l", "m", dhe "n" të pikës 13.1 të nenit 13 të Statutit.

16.4 Nëse Asambleja e Përgjithshme nuk mund të thirret për shkak të mungesës së kuorumit të përmendur në pikën 16.1 më lart, Asambleja e Përgjithshme do të thirret përsëri jo më vonë se 30 (tridhjetë) ditë, me të njëjtin rend dite.

16.5 Asambleja e Përgjithshme gjithashtu mund të marrë vendime të vlefshme përmes një vendimi qarkullues.

NENI 17

PROCESVERBALI I MBLEDHJES SE ASAMBLESË SË PËRGJITHSHME

17.1 Të gjitha vendimet e Asamblesë së Përgjithshme regjistrohen në procesverbalin e mbledhjes. Procesverbali i mbledhjes duhet të përmbajë datën, vendin e mbledhjes, rendin e ditës, emrin e kryetarit të mbledhjes, emrin e sekretarit dhe rezultatet e votimit, si dhe cdo informacion tjetër të detyrueshëm të përcaktuar në dispozitat e Ligjit për Shoqëritë Tregtare.



17.2 Kryetari i mbledhjes cakton një sekretar/e me qëllim mbajtjen e procesverbalit të mbledhjes, i cili mund të mos jetë Ortak. Procesverbali i mbledhjes nënshkruhet nga kryetari i mbledhjes dhe sekretari.

17.3 Lista e pjesëmarrësve dhe njoftimi për mbledhjen e asamblesë së Përgjithshme të Ortakëve i bashkëlidhen procesverbale të mbledhjeve.

17.4 Në rast të vendimeve të marra me anë të një vendimi qarkullues, vendimi duhet të nënshkruhet nga secili Ortak në mënyrë që të jetë i vlefshëm.

NENI 18

ADMINISTRIMI I SHOQERISË

18.1 Shoqeria do të administrohet nga 1 (një) person, i emëruar me vendim të Asamblesë së Përgjithshme.

18.2 Administratori i Shoqërisë emërohet për një periudhë 1 (një) vjecare, me të drejtë rinovimi. Administratori mund të shkarkohet përpara mbarimit të mandatit, me vendim të Asamblesë së Përgjithshme.

18.3 Administratori është përgjegjës për administrimin e Shoqërisë dhe përfaqëson Shoqërinë kundrejt palëve të treta në përputhje me dispozitat e këtij Statuti dhe/ose dispozitat e legjislacionit në fuqi. Administratori ka të gjitha kompetencat e administrimit të Shoqërisë, përveç atyre kompetencave që janë të rezervuara për organet e tjera të Shoqërisë sipas këtij Statuti dhe/ose legjislacionit në fuqi. Administrimi i jashtëzakonshëm do të jetë i kufizuar në vlerë dhe nën përgjegjësinë e vendimeve të Asamblesë së Përgjithshme.

18.4 Administratori ka dhe ushtron kompetencat dhe detyrat e mëposhtme në lidhje me administrimin e veprimtarisë së Shoqërisë:

- a) Të mbikëqyrë dhe zbatojë politikën tregtare të Shoqërisë dhe vendimet e Asamblesë së Përgjithshme;
- b) Me kërkesë të Asamblesë së Përgjithshme të Ortakëve, të marrë masa në kompetencë të tyre, të rekomandojë vendime për t'u marrë nga Asambleja e Përgjithshme dhe të zbatojë këto vendime;
- c) Të sigurojë që shoqëria respekton legjislacionin në fuqi dhe standardet e kontabilitetit;
- d) Të kryejë të gjitha veprimet në lidhje me administrimin e veprimtarisë tregtare të Shoqërisë;

- e) Të përfaqësojë Shoqërinë përballë palëve të treta;
- f) Të sigurojë që dokumentet dhe librat kontabël të Shoqërisë të mbahen si duhet dhe të rregullta;
- g) Të thërrasë mbledhjet e Asamblesë së Përgjithshme kur cmohet e nevojshme për mbrojtjen e interesave të Shoqërisë;
- h) Të përgatisë dhe të nënshkruajnë pasqyrat financiare vjetore të Shoqërisë, pasqyrat financiare të konsoliduara, të cilat i paraqiten Asamblesë së Përgjithshme për miratim, së bashku me propozimin për shpërndarjen e fitimeve, si dhe raportet vjetore të ecurisë së Shoqërisë;
- i) Të kryejë të gjitha regjistrimet dhe publikimet e detyrueshme në lidhje me Shoqërinë, sic mund të kërkohet nga legjislacioni në fuqi;
- j) T'i raportojë Asamblesë së Përgjithshme në lidhje me zbatimin e politikave tregtare;
- k) Të miratojë fillimin apo përfundimin e ndonjë procedure ligjore;
- l) Të kryejë cdo veprim, detyrë, kompetence dhe/ose akt tjetër sic përcaktohet nga legjislacioni në fuqi dhe/ose ky Statut.

18.5 Administratori mund të ushtrojë të gjitha kompetencat e Shoqërisë dhe të kryejë të gjitha veprimet e ligjshme, detyrat, kompetencat dhe/ose veprimet që në bazë të ligjit, Statutit, apo cdo forme tjetër nuk kërkohet të ushtrohen/kryhen nga Asambleja e Përgjithshme.

18.6 Administratorit, përveç rimbursimit të shpenzimeve të kryera për ushtrimin e funksioneve të tij, do t'i caktohet një shpërblim vjetor total, gjithashtu në formën e ndarjes së fitimit, i cili do të përcaktohet nga ortakët sipas shumicës së kuotave me rastin e emërimit ose me një vendim konkret.

18.7 Administratori mund të delegojë kompetencat e tij ortakëve të tjerë ose personave të tretë brenda limiteve të caktuara.

18.8 Për administrimin e zakonshëm me kompetencat e përshkruara më lart të Administratorit, Asambleja e Ortakëve një herë në vit, me vendim të posaçëm, do të caktojë një shumë monetare limit në lidhje me veprimet e Administratorit gjatë ushtrimit të administrimit të zakonshëm.

18.9 Administratori është përgjegjës për zbatimin e vendimeve të Asamblesë së Ortakëve në rastet e administrimit të jashtëzakonshëm, vendime të cilat tejkalojnë në vlerë shumën monetare limit të përcaktuar nga vetë Asambleja e Përgjithshme me vendim të posaçëm.

18.10 Administrator i Shoqërisë emërohet personi më poshtë:

- (i) **Olsi KOVAÇI**, shtetas shqiptar, lindur më 03.04.1996, në Tiranë, mbajtës i pasaportës me numër: **BB8097303**, banues në Via Vallerea, 23 Pernumia (PD) 35020, Itali.

Olsi Kovaçi

[Signature]

KAPITULLI IV
AUDITIM LIGJOR, VITI FINANCIAR DHE PASQYRAT FINANCIARE,
SHPERNDARJA E FITIMIT

NENI 19
AUDITIMI LIGJOR

Nëse është e nevojshme, ose kërkohet nga ligji, rishikimi i pasqyrave financiare dhe regjistrave kontabël të Shoqërisë do të kryhet nga një auditues i ligjëruar, i caktuar nga Asambleja e Përgjithshme.

NENI 20
VITI FINANCIAR DHE PASQYRAT FINANCIARE

20.1 Viti financiar fillon më datë 1 Janar dhe mbaron më datë 31 Dhjetor të cdo viti. Përfundimisht, viti i parë financiar fillon në datën e regjistrimit të Shoqërisë në Regjistrin Tregtar Shqiptar dhe mbaron më 31 dhjetor të vitit 2021.

20.2 Shoqëria duhet të mbajë në menyrë të plotë dhe të saktë librat kontabël të saj në adresën e saj të veprimtarisë, si dhe në vende të tjera të përcaktuara nga Asambleja e Përgjithshme. Keto dokumente, ndër të tjera, duhet të përmbajnë të gjitha të ardhurat, shpenzimet, asetet dhe detyrimet e Shoqërisë.

20.3 Pasqyrat financiare vjetore dhe, nëse është rasti, raporti i audituesit ligjor miratohen nga Asambleja e Përgjithshme.

NENI 21
SHPERNDARJA E FITIMIT

Ortakët kanë të drejtë të marrin fitimin e deklaruar në pasqyrat financiare të Shoqërisë. Llogaritja e fitimit kryhet në fund të cdo viti financiar. Fitimi shpërndahet midis Ortakëve proporcionalisht me përqindjen e pjesëmarrjes së secilit prej tyre në kapitalin e Shoqërisë. Në mungesë të një vendimi të kundert sipas germës "P" të nenit 13, Shoqëria shperndan fitimin cdo vit, ne përputhje me nenin 77 të Ligjit për Shoqëritë Tregtare.

Olta Kuri

Alban Kuri

KAPITULLI V
RIORGANIZIMI I SHOQËRISË, PRISHJA DHE LIKUIDIMI I SHOQËRISË

NENI 22

PRISHJA, LIKUIDIMI DHE RIORGANIZIMI I SHOQËRISË

- 22.1 Shoqëria mund të prishet sipas rasteve të parashikuara nga legjislacioni në fuqi ose me vendim të Asamblesë së Përgjithshme. Prishja e Shoqërisë do të pasohet nga procedura e likuidimit.
- 22.2 Procedura e likuidimit kryhet në përputhje me legjislacionin shqiptar në fuqi.
- 22.3 Në rast prishjeje vullnetare të Shoqërisë, likuiduesit emërohen me vendim të Asamblesë së Përgjithshme. Procedura e likuidimit dhe emërimit të likuiduesve kryhet në përputhje me legjislacionin shqiptar në fuqi.
- 22.4 Shoqëria mund të ndryshojë formën e saj ligjore sipas legjislacionit në fuqi. Riorganizimi nuk do të ketë pasoja në të drejtat dhe detyrimet që Shoqëria ka marrë përsipër kundrejt palëve të treta.

KAPITULLI VI
DISPOZITAT PERFUNDIMTARE

NENI 23

ZGJIDHJA E MOSMARRËVESHJEVE DHE LIGJI I ZBATUESHËM

- 23.1 Shoqëria është themeluar sipas ligjeve të Republikës së Shqipërisë dhe ky Statut është hartuar dhe miratuar në përputhje me këto ligje.
- Dispozitat e Ligjit për Shoqërite Tregtare do të zbatohen në lidhje me të gjitha çështjet që nuk janë të rregulluara në këtë Statut. Në këtë rast të mosperputhjeve midis dispozitave të këtij Statuti dhe atyre të legjislacionit shqiptar në fuqi, dispozitat e këtij të fundit do të mbizotërojnë.
- 23.2 Të gjitha mosmarrëveshjet që mund të lindin në lidhje me zbatimin ose interpretimin e këtij Statuti, cdo mosmarrëveshje që lind midis Shoqërisë dhe palëve të treta do të paraqitet për zgjidhje përpara Gjykatës së Rrethit Gjyqësor Tiranë.

NENI 24
TË NDRYSHME

Ali Kuri

Ali Kuri

Ky Statut është hartuar në 2 (dy) kopje, me të njejtën vlerë ligjore dhe përmbajtje, në gjuhën Shqipe.

Nënshkruar sot, më 11/11/2021

ORTAKËT

Alessia POLLONIO

Olsi KOVAÇI

A handwritten signature in blue ink, appearing to read 'Alessia Pollonio', written over a horizontal line.A handwritten signature in blue ink, appearing to read 'Olsi Kovaçi', written over a horizontal line.